

## 12. श्री रामकृष्णु सुन्द बॅखत्यन वेशि लोल

बोंदवार, 21 अप्रैल 1886

नरेन्दर छु बागस मंज चकरुहना करान मनिहस सूत्य कथ-बाथ करान । गरि छुस माजि तुं बायन बडुं तकलीफ । वुनि ति ह्योक नुं तिमव कांह ज़बर इन्तिज़ाम कॅरिथ । अमि बापथ छि यिमन फिकिर रोज़ान ।

**नरेन्दर**—विद्यासागर सुंदिस चाटुंहालस मंज छनुं म्ये कॉम करुंन्य । बुं छुस सोंचान बुं गछुं गयायि । म्ये बूज तति छु अँकिस ज़मीनदारस पननि जाँगीरुं बापथ मनेजर ज़ोरुंरथ । भगवान-वगवान छुनुं केंह ।

**मनि** (असान) चुं छुख यि वुन्यक्यन वनान, पतुं वनख नुं । संशय ति छु दय लबनुंचि वति हुंज अख अवस्था । यिमन सारिनुंय अवस्थायन अपोर गछुनुं पतुं, बेयि ब्रोंह गछुनुं पतुं छु ईश्वर मेलान—यि छि श्रीरामकृष्ण वनान ।

**नरेन्दर**—यिथुं पॉठ्य यिकुल छुस वुछान, यिथय पॉठ्य छा काँसि ईश्वर वुछमुत?

**मनि**—अवुं श्री रामकृष्णन छु वुछमुत ।

**नरेन्दर**—सु हेँकि मनुक ब्रोंत ऑसिथ ।

**मनि**—यथ अवस्थायि मंज युस यिथुं पॉठ्य दर्शुन छु करान, तथ अवस्थायि बापथ छु सुय पोंज । येँलि स्वपुन छुख वुछान जि चुं छुख कुनि बागस मंज गोमुत, तमि विजि छु सु बाग चानि बापथ पोंज । अमापोंज चॉन्य सों अवस्था बदलुंनस प्यठ—याने ज़ाग्रथ अवस्थायि मंज—बासिय च्ये सों कथ ब्रम । यथ अवस्थायि मंज ईश्वरुं सुन्द दर्शुन छु सपदान, सों अवस्था प्रावनस प्यठ बासि ईश्वर पोंज ।

**नरेन्द्र**—बुँ छुस पोंज यछान। तमि दोह कोर म्ये श्री रामकृष्ण दीवस सूँत्य स्यठाह बहस।

**मनि**—(असान) क्या सपुद?

**नरेन्द्र**—तिमव वोन म्ये, 'म्ये छु कांह कांह भगवान वनान।' म्ये वोन, तोहि वैन्यतनव सासुँ बेंद्य भगवान। मगर बुँ वननुँ योतान्य नुँ बुँ जानुँ जि यि छु पोंज। तिमव वोन—'यि वार्याह लुख वनान छि ति छु पोंज, सु छु धर्म।' तमि पतुँ वोन म्ये—'बाकुँय वैन्यतन केहं ति, बुँ माननुँ ति योतान्य नुँ बुँ पानुँ सोँ कथ समजि।

**मणि**—(असनुँ सान) "चोन भाव छु काँपरनिकस तुँ बर्कले बेतरि सुन्द ह्यु। समसारुक्य लुख छि वनान, 'सिरियि छु पकान,' मगर काँपरनिकसन द्युत नुँ ओर कुन ध्यान। प्रथ कांह ओस वनान जि न्यँबर्युम दुनिया छु पोंज, मगर बर्कले हन माँन्य नुँ यि कथ केहं।

**नरेन्द्र**—तोह्य ह्याकिवुँ म्ये हिस्ट्री आफ फिलास्फी दिथ?

**मनि**—कँम्य सुँज लीछमुँच? लीविस सुन्जुँ?

**नरेन्द्र**—न, उबरवेग सुँज, बु परुँ जर्मन लिखॉर्य सुन्ज किताब।

**मनि**—चुँ छुख वनान जि ब्रॉटकनि किस कुलिक्य पाँठ्य छा काँसि भगवान वुछमुत; अमापोंज योदवय भगवान हरगाह इनसान बँनिथ च्येँ ब्रॉहकनि यियिय तुँ वनिय जि बुँ छुस भगवान, चुँ करखुँ विश्वास (पछ)? चुँ छुखुँ लेजर्स सुँज कथ जानान? यैलि लेजर्सन परिलूकस मंज अब्राह्मस निश गँछिथ वोन जि पनन्यन अंगन—आँशनावन यिमा वँनिथ जि परिलूक छु पँज्य पाँठ्य, तमि विजि वोन अब्राहिमन, 'चानि गछनुँ सूँत्य तिमन वँनिथ क्याह करनुँ तिम पछ? तिम वनन, यि छु अख अपज्योर होरुक योरुक बेमतलब कथुँ वनान।' श्री रामकृष्णन वोन, 'तिमन छुनुँ कांह व्यचार कँरिथ जाँनिथ ह्यकान। पछि सूँतिय छु सोरुय केह सपदान—ज्ञान तुँ विज्ञान, दर्शुन (दयि सुन्द) तु ह्यकान तस निशि वाँतिथ।'।

दुहचि त्रेँ, चोर बजे ह्यु छु वख। श्री रामकृष्ण छि शौंगिथ। रामलाल युस दरिनेश्वर प्यटुँ आमुत ओस छु तिमन खोरन म्वोंठ दिवान। कुठिस मंज छु सीती हुक गोपाल तुँ मनि तिमन वुछनि आमुत।

श्री रामकृष्णन वोन मास्टरस जि दारि कर बंद तुँ दि म्ये खोरन फश-फश। श्री रामकृष्णुँ सुँदिस वननस प्यठ ओस पूरन किरायि हुँजि गाडि मंज

काशुपुर बागस मंज अननुँ आमुत। तिम आय तु कांरुख दर्शुन। गाडि किराय ओस मनि हस दिन्य। श्री रामकृष्णन कोर गोपालस इशारुँ तुँ पृछनस अँम्य दित्यनयि पोंसुँ?

**गोपाल**—आहन माहरा।

राँच हुँजुँ नौ बजे छि। सुरेन्द्र, राम बेतरि छि कलकता वापस गछनुक संज करान। वहिकुन ताफ—दोहलि छु श्री रामकृष्णुँ सुँद कुठ स्यठा ततान। सुरेन्द्रन छु अवय किन्य खसुँक्य परदुँ अँन्यमुँत्य। अमि सूँत्य छि कमरस मंज ठंडी रोजान।

**सुरेन्द्र**—वुन्युस तान्य कोनुँ लगाँव्य खसुँक्य परदुँ काँसि दार्यन? बासान छु काँसि छुनुँ ओर कुन जोन गोमुत।

**अख बँखुँत्य**—(असनुँ सान) भक्तन छि वुन्य-क्यन ब्रह्म जानुँच अवस्था। वुन्यक्यन छु सोरुय सोऽहम्—समसार छु अपजुँय बासान। पतुँ यैलि यि भाव वुजि जि 'तोह्य छिवुँ मौलिक तुँ बुँ छुस दास (गोलांम)' तु सपदि श्री रामकृष्ण सुँज सीवा।" (साँरी छि असान)

**बसवार, 22 अप्रैल 1886**

काँशीपुर किस बागस मंज छि शाम वखान राखाल, शशि तुँ मास्टर चकरहना करान।

**मास्टर**—तिम छि त्रेँन गोनन अपोर अख बालुक शशि तुँ राखाल—श्री रामकृष्णन छु पानुँ ति ती वोनमुत।

**राखाल**—यिथुँ पाँठ्य अख थोद मीनार। तति प्यटुँकनि बेहनुँ सूँत्य यिथकँन्य सार्यय खबरुँ छि वातान सोरुय छि ह्यकान वुछिथ, मगर तोत छुनुँ कांह वाँतिथ ह्यकान।

**मास्टर**—तिमव छु वोनमुत, यथ अवस्थायि मंज छु हमेशुँ ईश्वर सुँद दर्शुन ह्यकान सपदिथ। विषयरुपी रस नुँ आसनुँ मोखुँ छि होँछि हँचि जलुँद नार लगान याने रेह ह्यवान।

**शशि**—बोद (अकुँल) कचि कँसमुँच छि आसान, यि छि तिम चारु हस वनान। यैमि बोँज किन्य छि दय लबनुँ यिवान, सोय बोद छि ठीक। यैमि बोँज सूँत्य छि रोपयि मेलान, गरुँ बनान, डिप्टी मजस्ट्रेट या वँकील बनान, सोँ बोद गँयि आम लुकन हुँज बोद।

**मास्टर**—आह! क्या सोन्दर कथ छि।

**शशि**—काली तपस्वीहन ओस श्री रामकृष्णस वोनमुत, “आनन्द क्याह सपदि? आनन्द छु भीलन (जंगलस मंज रोजन वाल्यन लुकन हुंज अख ज़ाथ)। जंगली लुख ति छि ‘हो हो’ कॅरिथ नचान तुँ ग्यवान।”

**राखाल**—तिमवुय (श्री रामकृष्णन) वोन, ‘यि क्याह? ब्रह्मानन्द तुँ विषयन हुन्द आनन्द छा कुनुय? जीव छु विषयानन्द ह्यथ। सोरुय दुनियॉवी-लगावुँ वरॉय छुनुँ ज़ांह ब्रह्मानन्द मेलान। अकि तरफुँ छु रोपयि तुँ इन्द्रियन हुंदि सोखुक आनन्द तुँ दौयमि तरफुँ छु दय प्रावनुक आनन्द। क्या यिम जुँ छा ज़ांह कालि हिविय सपदान? रेचशव ओस अमि ब्रह्मानन्दुक बूग कौरमुत, मजुँ वुछमुत।

**मास्टर**—काली छुना वुन्यक्यनस बुद्ध देव सुंघ ख्यालन मंज फेरान; अवय किन्य छु आनन्दस अपोरचि कथुँ करान।

**राखाल**—श्री रामकृष्णस निश ति ऑस कालीहन बुद्धदेव सुँज कथ तुजमुँच। श्री रामकृष्णन वोन तस—बुद्ध छु अवतार पौरुश। तस सूँत्य क्याह काँसि हुंद मुकाबलुँ करुन? बडि गरुँचि बजि कथुँ।’ कालीहन वोन ‘ईश्वर सुँज शक्ति हुँय छि सोरुय केंह। तमिय शक्ति सूँत्य छु ईश्वर आनन्द मेलान तु तमी सूँत्य विषयन हुंद ति।’

**मास्टर**—पतुँ क्याह वोन तिमव?

**राखाल**—तिमव वोन, ‘यि क्युथ?’—बचि ज्यँवरावुँनुँच तुँ ईश्वर (दय) प्रावुँच शक्ति छा हिशिय (कुनिय) शक्ति?’

\* \* \*

श्री रामकृष्ण छि दौयमिस पोरकिस कुठिस मंज बिहित। शरीर छुख हदुँ खौतुँ ज़्यादुँ कमजोर सपदान अज छि बेयि डाक्टर महेन्दर सरकार तुँ डाक्टर राजेन्दर दत्त मुलाहजुँ बापथ आमुँत्य। कमरस मंज छि राखाल, नरेन्दर, शशि, मास्टर, सुरेन्दर, भवनाथ तुँ बेयि वारयाह बँखुँत्य बिहित।

यि बाग छु पाकवाड़ाक्यन बाब्यन हुंद। अमिच किराय छि 60-65 रोपयि दिनि प्यवान। बँखत्यन मंज यिम लोँकुँट्य छि तिम छि अँत्य रूजिथ। राथ तुँ दोह छि तिमय श्री रामकृष्ण सुँज सीवा करान। ग्रँहस्थी बँखुँत्य ति छि मंजुँ-मंजुँ यिवान तुँ यिहुँज सीवा करान। येँतिय रूजिथ श्री रामकृष्ण सुँज सीवा करुँत्य छि यिमन ति खौँहिश, मगर पनन्यन-पनन्यस काम्यन मंज

लँगिथ छिनुँ येँतिय बिहित तिहुँज सीवा ह्यकान कॅरिथ। अत्युक खर्च व्यतरावुँ बापथ छि तिम पननि पननि ताकतुँ मूजूब मदद करान। सारिवुँय खौतुँ खर्चुक बोर छु सुरेन्दर नामुँ लेखनुँ आमुत। अख वाजुँ अख मोँहनिय बाय यिम जुँ छि प्रथ विजि अँत्य रोजान।

**श्री रामकृष्ण**—(डाक्टर सरकारस तुँ बेयन कुन)—बडुँ खर्च छु सपदान।

**डॉ. सरकार**—(बँखत्यन कुन हौँविथ) “अमा यिमय छि यि खर्च व्यतरावुँ बापथ तयार।।” “येत्युक सोरुय खर्च व्यतरावनस छिनुँ यिम कांह वाय बरान। यिमन छुनुँ तम्युक कांह तकलीफ। (श्री रामकृष्णस कुन) वुछतव वोन्य पोँसुक (कंचनुक) हाजत प्यव वोन्य।

**श्री रामकृष्ण**—(नरेन्दरस कुन)—वन वोन्य।

श्री रामकृष्ण छि नरेन्दरस जवाब दिनुँ बापथ आँगन्या (हुकुम) दिवान। नरेन्दरस छि छौँपुँ। डाक्टर छु बेयि कथुँ तुलान।

**डाक्टर**—कांचन (दनुँ-घार) तुँ पतुँ कामिनी (जँन्य) ति गछि आसुँत्य।

**डाक्टर राजेन्दर**—श्री रामकृष्ण सुँज जनानुँ छि यिहिन्दि बापथ बतुँ-स्युन रनान।

**डाक्टर सरकार**—(श्री रामकृष्णस कुन) वुछिवुँ?

**श्री रामकृष्ण**—(हना असुँवुँनि रोयि)—छु, अमापोँज खुर्यकांगुर छि।

**डॉ. सरकार**—खुर्य कांगुर नय आसिहे, तुँ सॉरी आसहन परमहंस बनेमुँत्य।

**श्री रामकृष्ण**—जनि हुँज योँदवय पानस सूँत्य छिह लागि तुँ बुँ छुस ब्यमार गछान। तुँ येँत्यथ छिह लागि तत्यथ छि चेर ताम दग करान, जन तुँ हेंगल गाडि हुंद कोँड छुम सन्योमुत आसान।

**डाक्टर**—मानान छुस यि, अमापोँज किथुँ पौँट्य चलि कामिनी तुँ कंचन (जनि तुँ दौलँच) वरॉय यि समसार।

**श्री रामकृष्ण**—रोपय छुस अथस क्यथ रटान तुँ अथुँ छुम हौँल गछान। शाह छुम रुकिथ गछान। रोपयव सूँत्य हरगाह कांह दयि सुँजि वति पकनस प्यठ खर्चि, ईश्वर तुँ साधुहन हुँज सीवा करि तुँ तथ छुनुँ कांह दूश।

“जनानुँ रँटिथ मायायि हुंद समसार चलावन वॉलिस नफरस छु दय मँशिय गछान। योँसुँ समसारुँच मॉज छि, तमी छु मायायि हुंद रँप—जनानि

हुंद रूप दोरमुत। अम्युक असली ज्ञान सपदुंनस प्यठ छुनुं पतुं मायायि हुंदिस संसारस प्यठ दिल लगान। सारिनुंय जनानन प्यठ मातृज्ञान (माजि हुंदि बावुं-नजरि) वुछनुं सूंत्य छु ह्यकान यथ समसारस मंज दयि सुंजि वति रेंटिथ पॅकिथ। दय प्रावनुं वरॉय छिनुं जॉनिथ ह्यकान जि जनानुं क्याह छि पॅज्य पाँट्य।

केंचि कॉल्य पतुं बडेयि दोशवय डाकटर। श्री रामकृष्ण तुं मास्टर रूद्य कथुं करान। तिम आँस्य मास्टरस वनान जि कामिनी (जनानुं) मुतलख क्याह छुस बुं जानान।

**श्री रामकृष्ण**—(मास्टरस कुन)—यिम छि वनान, कामिनी तुं कंचनस वरॉय ह्येकि नुं चलिथ। मगर म्याँन्य अवस्था क्याह छि ति छिनुं तिम ह्यकान जॉनिथ।

“जनानन हुंदिस शरीरस सूंत्य योदवय अथुं छुम लगान तुं तथ छुम वठ गछान। तुं हरगाह पानुंन्यारुं किन्य काँसि जनि निशि गॅछिथ कथ बाथ करनि छुस बेहान तुं मंजुं छुम क्याह तान्य परदुं ह्य तस तुं पानस मंजबाग बासान। सु ठोर लबि थॉविथ तस निश गछुन छु म्यानि बापथ मुशिकल।

“कुठिस मंजुं छुस कुनुय जौन बिहिथ, अमि विजि योदवय कांह जनानुं यियि तुं यकदम छम शुर्य सुंजि हिश अवस्था सपदान तुं तस छुस माजि हुंजि नजरि वुछान।”

मास्टरस छुनुं फोरान केंह श्री रामकृष्णस निशि बिहिथ छु यिमुं कथुं बोजान। दूर पाहन हना छु भवनाथस सूंत्य नरेन्द्र कथ बाथ करान। भवनाथन छु खान्दर कोरमुत। वौन्य छु नोकरी छांडान। काशी पोरकिस बागस मंजुं छिनुं ज्यादु लटि श्री रामकृष्णस वुछनि ह्यकान यिथ। तॅम्य ओस मास्टरस वौनमुत “म्येँ छु बूजमुत जि विद्यासागर छु यछान अख स्कूल शौरु करन। म्येँ छु गुजारु चलावुन। श्री रामकृष्णस आँसि भवनाथुन्य बडु कल रोजान। कारण, जि, भवनाथ फोट समसॉर्य लोहे लंगरस मंजुं भवनाथ सुंजि वुमुँर छि यिहय 22-23 वॅरियि।

**श्री रामकृष्ण**—(नरेन्द्रस कुन)—आँसिजि खूब ह्यमथ दिवान। नरेन्द्र तुं भवनाथ छि श्री रामकृष्णस कुन वुछिथ असनि लगान। श्री रामकृष्ण छि बैयि इशारुं कॅरिथ भवनाथस कुन वनान—“खूब बोहदुर बन। युथ नुं जनानि ओंश हारान तंबलख तुं पनुन पान मॅशरख। ओह जनानुं कोताह

वदान छि। तिम छि पौन्दि प्यठ ति वदान। (नरेन्द्र, भवनाथ तुं मास्टर छि असान)

“मनस मंजुं रॅट्यजन ईश्वर अटल भावुं सूंत्य। बोहदुर गव सुय युस जनानि सूंत्य रोजि अमापोज तस सूंत्य करि नुं शरीरुक सम्बन्ध। जनानि सूंत्य रूज्यजि सिरिफ दयि सुंजुं कथुं करान।”

केंचि कालुं पतुं छि श्री रामकृष्ण बैयि भवनाथस इशारुं कॅरिथ वनान—“तोह्य खेँज्यव अज बतुं येँत्य।”

**भवनाथ**—अछा माहरा। तोह्य मुँ बैरि व म्याँन्य फिकिर। बुँ छुस ठीक। सुरेन्द्र आव तुं ब्यूठ। रेयंथ छु वह्यख। बॅखुँत्य छि संध्या कालुं पतुं प्रथ दोह श्री रामकृष्णस पोशि मालुं छँनान। सुरेन्द्र छु लोत पाँट्य बिहिथ। श्री रामकृष्णन दिचुं खोश सपदिथ तस जुँ मालुं। सुरेन्द्रन कोर प्रणाम तुं मालुं लाजन गौंडुं कलस तुं पतुं त्राव्यन पानस नॉल्य।

सॉरी छि लोत पाँट्य बिहिथ तुं श्री रामकृष्णस वुछान। सुरेन्द्रन कोर श्री रामकृष्णस बैयि प्रणाम तुं वौथ थोद। सु छु वौन्य नेरन वोल। तॅम्य वौन भवनाथस नाद दिथ जि दार्यन त्राव ‘खसुँक्य’ परदुं। हीरानन्द आव दोन यारन सूंत्य। हीरानन्द छु सिन्धुक रोजन वोल। कलकता ओस कालिजस मंजुं परान परन मोंकलनुं पतुं ओस पनुन गरुं गोमुत। वुन्युस तान्य ओस तॅत्य। श्री रामकृष्ण सुंदि दाद्युक बूजिथ ओस खबर अतर प्रिछनि आमुत। श्री रामकृष्ण ति ओस पानुं तस वुछनुं बापथ यछा थावान।

श्री रामकृष्ण छि हीरानन्दस कुन ओंगजि सूंत्य इशारुं कॅरिथ मास्टरस कुन जनतुं वनान—‘यि छु बडुं जान लडकुँ।’

**श्री रामकृष्ण**—क्या चुँ छोहनु जानान?

**मास्टर**—आहन माहरा, जानान छुसन।

**श्री रामकृष्ण**—(हीरानन्द तुं मास्टरस कुन)—तोह्य कॅरिथ कथ-बाथ तुं बुँ बोजुं।

मास्टरस छोपुं कॅरिथ वुछिथ पुछ श्री रामकृष्णन—“नरेन्द्र छा येँति, तलसॉ आलव दिस।

नरेन्द्र खोत ह्योर कमरस मंजुं तुं ब्यूठ श्री रामकृष्णस निश।

श्री रामकृष्ण (नरेन्द्र तुं हीरानन्दस कुन)—तोह्य दोशवय कॅरिथ कथा-बाथा। तुं बुँ बोजुं तुहुँचु कथुं।

हीरानन्द ओस छोपु दम पाँठय तूँ पतुँ वार्याहस कालस हीलुँ बहानुँ  
कॅरिथ ह्यँच तॅम्य कथ बाथ करुँन्य।

**हीरानन्द**—(नरेन्द्रस कुन) अछा, भक्तस क्याजि छु दोंख मेलान?

हीरानन्दनि कथुँ छें बडुँ मोंदरि। यिमव ति बोजि तिमन सारिनुँय वास्यव  
जि यहुँद हृदय छु लोलुँ बौरुत।

**नरेन्द्र**—येमि समसारुँच स्नेश्टी कॅरिथ बासान जि यि छु कॅम्यताम  
शेतानन बनोवमुत। बुँ ह्यकुँहा अमि खोंतुँ जान स्नेश्टी बनौविथ।

**हीरानन्द**—दोखुँ वरॉय छा जांह सोखुक अनुँबव सपदान?

**नरेन्द्र**—“बुँ छुस नुँ दुनियाह बापथ कांह प्लान बनावान मगर यि  
वन्यक्यन छु तथ मुतलख पनुँन्य राय दिवान।

“मगर अँकिस कथि प्यठ पछ करनुँ सूँत्य छु सोरुय हल सपदान।  
सोरुय छु भगवानुँय, योंदवय यि पछ करव तुँ खुर छु नेरान। दयिय छु प्रथ केह  
करान।

**हीरानन्द**—यि वनुन छु आसान।

नरेन्द्र छु मोंदरि हटि शंकर सुन्द निर्वाण अषटक परान—

ऊँ मनोबुद्धयहंकार चित्तानि नाहं

न च श्रोत्र जिह्वे न च घ्राण नेत्रे।

न च व्योमभूमिर्न तेजो न वायु—

श्चिदानन्द रूपः शिवोऽहं शिवोऽहम् ॥ 1 ॥

न च प्राण संज्ञो न वै पंच वायु—

र्न-वा सप्तधातुर्न वा पंचकोषः।

न वाक्पाणिपादं न चोपस्थपायु—

श्चिदानन्दरूपः शिवोऽहं शिवोऽहम् ॥ 2 ॥

न मे द्वेषरागौ न मे लोभ मोहौ

मदो नैव मे नैव मात्सर्यभावः।

न धर्मो न चार्थो न कामो न मोक्ष—

श्चिदानन्दरूपः शिवोऽहं शिवोऽहम् ॥ 3 ॥

न पुण्यं न पापं न सौख्यं न दुःखं

न मंत्रो न तीर्थो न वेदा न यज्ञाः।

अहं भोजनं नैव भोज्यं न भोक्ता—

श्चिदानन्दरूपः शिवोऽहं शिवोऽहम् ॥ 4 ॥

न मृत्युर्न शंका न मे जाति भेदः

पिता नैव मे नैव माता न जन्म।

न बन्धुर्न मित्रं गुरुनैव शिष्य—

श्चिदानन्दरूपः शिवोऽहं शिवोऽहम् ॥ 5 ॥

अहं निर्विकल्पो निराकार रूपो।

विभुत्वाच सर्वत्र सर्वेन्द्रियाणाम्।

न चासंगतं नैव मुक्तिर्न मेय—

श्चिदानन्दरूपः शिवोऽहं शिवोऽहम् ॥ 6 ॥

**हीरानन्द**—वाह।

श्री रामकृष्णन वोंन हीरानन्दस अम्युक जवाब दिनुँ बापथ।

**हीरानन्द**—अकि अन्दुँ कूनुँ प्यटुँ युथ गरुँ वुछुन छु तिथुय छु मंज बागुँ  
प्यटुँ वुछुन। चकि छि कुनिय कथ। ‘हे ईश्वर! बुँ छुस तुहुन्द दास यिथुँ पाँठ्य  
ति छु दयि सुन्द अनुबव (जाँन्यार) सपदान तुँ बुँ छुस सुय-सौहम् अमि  
सूँत्य ति छु दयि सुन्द जाँन्यार सपदान। अकि दरवाजुँ किन्य ति छु कमरस  
मंज अचनुँ यिवान तुँ वार्याहव दरवाजव किन्य ति छु अचनुँ यिवान।

साँरी छि छोपुँ कॅरिथ। हीरानन्दन वोंन नरेन्द्रस ग्यवनुँ बापथ। नरेन्द्र छु  
कौपीन पंचक ग्यवान—

वेदान्त वाक्येषु सदा रमन्तो

भिक्षान्नमात्रेण च तुष्टि मन्तः।

अशोकमन्त करणे चरन्तः

कौपीनवन्तः खलु भाग्यवन्तः ॥ 1 ॥

मूलं तरो केवलमाश्रयन्तः

पाणिद्वयं भोक्तुम मन्त्रयन्तः।

कन्थामिव श्रीमपि कुत्सयन्तः

कौपीनवन्तः खलु भाग्यवन्तः ॥ 2 ॥

स्वानन्द भावे परि तुष्टिमन्तः

सुशान्त सर्वेन्द्रिय वृत्तिमन्तः।

अहर्निशं ब्रह्मणि ये रमन्तः

कौपीनवन्तः खलु भाग्यवन्तः ॥ 3 ॥

श्री रामकृष्णान युथुय बूज—‘अहर्निश ब्रह्मणि ये रमन्तः’ (राथ तू दोह छि तिम ब्रह्म [परमीश्वरें] सुंदिस खयालस मंजुय फॅटिथ आसान, तँथ्य बावस मंज फेरान तू सोंचान आसान)—तिमव वोन लोति लोति—अहा! तू लॅग्य इशारव सूँत्य वननि—योँहय छु यूगियन हुन्द लख्यन।

नरेन्दर लॅग्य कौपीन पंचक पूरें करनि।

देहाभिभावं परिवर्तयन्तः/स्वात्मानमात्मन्यलोकयन्तः।

नान्तं न मध्यं न बहिः स्मरन्तः/

कौपीनवन्तः खलु भाग्यवन्तः ॥ 4 ॥

ब्रह्माक्षरं पावनमुच्चरन्तः

ब्रह्माहमस्मीति विभावयन्तः

भिक्षाशिनो दिक्षु परिश्रमन्तः

कौपीनवन्तः खलु भाग्यवन्तः ॥ 5 ॥

नरेन्दर छु बेयि ग्यवान—“परिपूर्णमानन्दम्।

अंग विहीनं स्मर जगन्निधानम्।

श्रोत्रस्य श्रोत्रं मनसो मनो यद्वाचो ह वाचम्।

वागतीतं प्राणास्य प्राणं परं वरेण्यम्।”

नरेन्दरन ग्योव बेयि अख बाँथ।

अमि बाँतुँचि केँह लॉनुँ छि यिथुँ पाँट्य—

“तुझसे हमने दिल है लगाया,

जो कुछ है सो तू ही है।

हर एक के दिल में तू ही समाया,

जो कुछ है सो तू ही है।

जहां देखा नज़र तू ही आया

जो कुछ है सो तू ही है।”

‘हर एक के दिल में’ यि बूजिथ छि श्री रामकृष्ण वनान इशारव सूँत्य जि तिम छि प्रथ कांसि हुँदिस हृदयस (दिलस) मंज, तिम छि अन्तर्यामी ‘जहां देखा नज़र तू ही आया’ यि बूजिथ छि हीरानन्द नरेन्दरस वनान—“सब तू ही है, वोन्य छु ‘चुँ चुँ’ सपदान। बुँ, न चुँ।”

नरेन्दर—चुँ दि म्ये अख, बुँ दिमय च्ये लछ। चुँय छुख बुँ, बुँय छुस चुँ। म्यें वरॉय छुनुँ बेयि कांह।

यि वॅनिथ पॅर्य नरेन्दरन अष्टावक्र संहितायि मंजुँ केँह शोलूख। कमरस मंज गॅयि बेयि छोपुँ।

श्री रामकृष्ण—(हीरानन्दस कुन, नरेन्दरस कुन इशारुँ कॅरिथ) “बासान छु म्यानुँ मंजुँ तलवार कॅडिथ छु फेरान।

(मास्टरस कुन, हीरानन्दस कुन इशारुँ कॅरिथ) “कूताह शान्त छु। सोरुँफुँ वॉलिसनिश ज़न तू छु जॅहरीलु सोरुँफ हू फन वाहरॉविथ छोपुँदम कॅरिथ बिहिथ।”

श्री रामकृष्ण छि अन्तर्मुख (अन्दर हृदयस मंज ध्यान कॅरिथ रूजिथ)। सूँतिय छिख हीरानन्द तू मास्टर बिहिथ। कमरस मंज छि पूरें खामोशी (छोपुँ)। श्रीराम कृष्ण सुँदिस शरीरस छि स्यठा दग। बँखुँत्यन छुनुँ त्युहुन्द दोद बरदाशत गछान मगर श्री रामकृष्ण छि तिहुन्द खयाल डॉलिथ बाकयन कथन कुन लागान। बिहिथ छि। तिहिन्दि बुथि प्यटुँ छि गाहुँ छटान, ज़न तू तिमन छुनुँ हॅटिस कांह दोद।

बँखत्यव थवि पोशि मालुँ तू पोश तिमन ब्रॉठकनि। तिम छि गरा पोश कलस लागान तू गरा वछस सूँत्य लगान। बासान ओस ज़न तू छु पांचुँ वुहुर बालुक पोशन सूँत्य गिंदान।

येँलि ईश्वरी भाव वोपदान छि त्येलि छु महावायु (दयि वाव) अँदरुँ शरीरस मंज बोनुँ प्यटुँ ह्योर खसान लबनुँ यिवान। महावायु अँदरुँ खसनस प्यठ छु दयि सुन्द बास लबनुँ यिवान। यिकथ छि तिम प्रथ विजि वनान।

वोन्य छि श्री रामकृष्ण मास्टरस सूँत्य कथ बाथ करान वनान।

श्री रामकृष्ण (मास्टरस कुन)—वाव कर वोपद्यव तू खोत ह्योर। वुन्यक्यन छु बालक भाव; अवय छुस पोश ह्यथ यिथुँ पाँठ्य करान। क्या छुस वुछान, ज्ञानान छुखुँ? पान ज़न तू छु बाँसुँ कान्यन हुन्द बनोवमुत। तु प्यटुँ छुहस कपुर वोलमुत। सुय तू ज़न छु अलान। अँदरुँ छु कुस तान्य। अवय किन्य छु अँलरान।

“यिथुँ पाँठ्य ब्यालि तू जँठ रोस। अँदरुँ छुनुँ काम (वासनायि) बेतरि, सोरुय छु साफ। बेयि—”

श्री रामकृष्णस छु कथुँ करनुँ सूँत्य तकलीफ सपदान। स्यटुँहुय कमजोर छि गॉमुँत्य। तिम क्याह छि वनुन यछान ति जलदुँय समजिथ वोन जलुँद मास्टरन—“तू अँदरुँ छिवोन तोह्य ईश्व वुछान।”

**श्री रामकृष्ण**—अन्दर-न्यबर दोशिवुं जायन छुस वुछान—अखण्ड सच्चिदानन्द । सच्चिदानन्द छु येमि शरीरुक सहारै रँतिथ अन्दर ति तुँ न्यबर ति । यिय छुस बुँ वुछान ।

मास्टर तुँ हीरानन्द छि यि ब्रह्म दर्शनुंच कथ बोजान । केंचि कॉल्य लॅग्य तिमन कुन लोलुँ नजरव वुछिथ श्री रामकृष्ण कथ बाथ करनि ।

**श्री रामकृष्ण**—(मास्टरस तुँ हीरानन्दस कुन) तोह्य छिवुँ म्येँ पनुँन्य बासान । म्येँ छिवुँ नुँ वोपर बासान ।

“सॉरी छुसख वुछान, अँकिस अँकिस वोरि गिलाफस मंज रूजिथ कलुँ हिलावान ।

“वुछान छुस येँलि तिमन सूँत्य मनुक म्युल छु गछान त्येलि छु शरीरुक तकलीफ ओंक पासे रोजान ।

“वुन्यक्यन छुस सिरिफ यिय वुछान जि अखण्ड सच्चिदानन्दुँय छु येमि च्मि सूँत्य वॅलिथ तुँ अँथ्य मंज छु अँकि तरफुँ यि हट्युक जाखुँम रूजिथ ।

श्री रामकृष्ण रूद्य बेँयि छोपुँ कॅरिथ । केंचि कॉल्य लॅग्य बेँयि वननि—“जड छु चेतन समजिनुँ यिवान । तुँ चेतन छु जड समजिनुँ यिवान । अवय किन्य छु शरीरुक रूग (दोद) आसनस प्यठ मनोश वनान, “बुँ छुस ब्यमार ।”

यि कथ व्यछनावनुँ बापथ वोन हीरानन्दन तिमन । मास्टर लोँग वननि—“गर्म पॉनिस मंज अर्थुँ दजनुँ पतुँ छि लुख वनान, पानि सूँत्य दोद अर्थुँ, मगर ति छनुँ कथ । दरअसुँल छु गर्म (तति) सूँत्य अर्थुँ दजान ।”

हीरानन्दस (श्री रामकृष्णस कुन)—तोह्य वॅनिव, बॅखतिस क्याजि छु तकलीफ सपदान ।

**श्री रामकृष्ण**—तकलीफ छु शरीरुक ।

श्री रामकृष्ण वनन क्याह ताम बेँयि अवेँ किन्य छि दोशवय प्रारान ।

**श्री रामकृष्ण**—‘तोरवुँ फिकरि?’

मास्टर छु लोँति लोँति क्याहताम वनान हीरानन्दस ।

**मास्टर**—लूकुँ शेंख्यायि बापथ । मिसाल छि ब्रोंह कनि जि यीति तकलीफु पतुँ ति छु मन शुराह आनुँ (पूरुँ पॉठ्य) दयस सूँत्य मीलिथ ।

**हीरानन्द**—अवु, यिथुँ पॉठ्य, यीशु हस फांस्य दिन (दारस खारुन) । मगर तोति छु यि राज जि यिमन क्याजि म्यूल यूत तकलीफ?

**मास्टर**—यिम छि वनान यि छि माजि भवानि हुंज मर्जी । येँत्यथ छि यिहुंज यिथय पॉठ्य लीला सपदान ।

यिम दोशवय छि पानुँवान्य ल्वति ल्वति कथुँ करान । श्री रामकृष्ण छि इशारुँ सूँत्य हीरानन्दस वनान । हीरानन्दन समुज नुँ इशारुँ । अवकिन्य छि श्री रामकृष्ण बेँयि इशारुँ कॅरिथ प्रिछान, ‘हु क्याह छुय वनान?’

**हीरानन्द**—यि माहरा छु वनान जि तुहुँज ब्यमार्थ छि लोक शिक्षायि बापथ ।

**श्री रामकृष्ण**—यि कथ छि अँम्य सुन्द खयाल तुँ बेँयि क्याह?

“अवस्था छि बदलान । सोचान छुस । सारिनुँय वननुँ जि चैतन्य बॅनिव । कलिकालस मंज छि पाप ज्यादुँ, म्येँ प्येयि तिहुन्द पापन हुन्द बोर पानस प्यठ हौने ।

**मास्टर**—(हीरानन्दस कुन)—समय वुछनुँ वरॉय वनन नुँ यिम यि कथ । येँम्य सुन्दि बापथ वख आसि वोतमुत चैतन्य सपदुँनुक तसुँय वनन यिम ।

### शुक्रवार 23 अप्रैल 1886

यि ओस ‘गुड फ्राई डे’, हीरानन्द छु श्री रामकृष्णुँ सुँद्यन खोरन फश फश दिवान । नखय छु मास्टर ति बिहिथ । लाटू तुँ बाकुँय अख जुँ भक्त छि कमरस मंज यितुँ गछ करान । दुहुँचि 12-1 बजे ह्यू आसन । हीरानन्दन खयव अज यती बतुँ ।

श्री रामकृष्ण ओस दिलुँकिन्य यछान जि हीरानन्द गोँछ (केंचन दोहन) येँत्य रोजुन ।

हीरानन्द छु श्री रामकृष्णस खोरन फश फश दिवान तुँ तिमन सूँत्य कथुँ करान । श्री रामकृष्ण छि मोंदरि कथुँ करान, मोख छुख असुँवुन तुँ खोश—जान तुँ छि शुरिस समजावान । श्री रामकृष्ण छि ब्यमार, डाक्टर छि प्रथविजि तिमन प्यठ नजर थाँविथ ।

**हीरानन्द**—तोह्य क्याजि यूत सोचान? डाक्टरस प्यठ पछ थाँविथ रूजिब न्येशचेँत (बेँफिकर) । तोह्य छिवुँ शुरिय (बचय) ।

**श्री रामकृष्ण**—(मास्टरस कुन) बुँ किथुँ कॅन्य करुँ पछ? सरकारन (डाक्टरन) वोन, यि दोद बलि नुँ जांह ।

**हीरानन्द**—तुं यीच फिकिर क्याजि छिवुं ह्यवान? यि सपदुन आसि, ति सपदि।

**मास्टर**—(हीरानन्दस कुन, ईकान्तस मंज) —यिम छिनुं पननि बापथ केह ति सोंचान। युहुन्द शरीर रोजुन छु बँखत्यन हुंदि बापथ थावनुं खातरें।

गर्मी छि बडुं सख। तमि पतुं दुपहरुक वख। खसुँक्य परदुं छिख लॉग्यमुँत्य दार्यन। हीरानन्द वोथ तुं परदुं छु ठीक करान। श्री रामकृष्ण छि यि वुछान।

**श्री रामकृष्ण** (हीरानन्दस कुन) —तुं पाँजामुं सूज्यजि।

हीरानन्दन ओस वोनमुत जि योदवय तिम सिंधस मंज लागनुं वोल पाँजामुं छुंनन तिमन यियि सुहूलियत। अवय किन्य छि श्री रामकृष्ण तस च्यतस पावान।

हीरानन्दन ओस नुं ठीक पाँठ्य बतुं ख्योमुत, बतस ओस वांठ। श्री रामकृष्णस ओस यि बूजिथ तकलीफ वोतमुत।

तुं बेयि तुं बेसि आँस्य तस (हीरानन्दस) वनान—ख्ये केंछा नाशतुं हना। यूत तकलीफ छुख जि बूलिथ ति छिनुं ह्यकान। तोति छि बेयि तुं बेयि तस वनान तस प्रिछान जि ख्यखुं केह? तमि पतुं छि लाटूहस प्रिछान—‘क्या तोहि ति ख्योवुं सुय अडुं छोव बतुं?’

श्री रामकृष्ण छिनुं कम्बरस प्यठ ह्यकान पलव वल्लिथ। (सु ओसुख वँस्य वँस्य यिवान)। शुर्य सुंछ पाँठ्य छि नंगय रोजान। हीरानन्दस सूँत्य छि जुं ब्रह्म भक्त आमुँत्य; अवय किन्य छि श्री रामकृष्ण अकि दोंयि लटि दूत्य कम्बरस ह्योर कुन लमान।

**श्री रामकृष्ण**—(हीरानन्दस कुन) दूत्य यलुं सपदुंनुं पतुं छिवुं तोह्य म्ये बदतमीज्ज जानान?

**हीरानन्द**—तोहि क्याह अमि सूँत्य? तोह्य छिवुं बालुक।

**श्री रामकृष्ण**—(अँकिस ब्राह्म भक्त प्रियनाथस कुन ओँगुज तुलिथ) हुम छि ति वनान।

हीरानन्द हैयि वोँन्य रोखसथ। केचव दोहव पतुं ओस तस सिंध गछुन।

**श्री रामकृष्ण**—मानव चुं गछख नुं सिंध त्येलि?

**हीरानन्द**—(असान) तति छुनुं कुँहुय युस म्योँन्य काँम करि। म्ये छि प्यवान तति नोकरी करुँन्य।

**श्री रामकृष्ण**—तनखाह कोताह छुय?

**हीरानन्द**—म्यानि कामि छुनुं जबर तनखाह मेलान।

**श्री रामकृष्ण**—कोताह?

हीरानन्द छु असान।

**श्री रामकृष्ण**—रोज त्येलि येँत्य।

हीरानन्दन छुत न जवाब। सुओस नेरनस तयार।

**श्री रामकृष्ण**—चुं कर हावख बेयि बुथ?

**हीरानन्द**—बुं माहरा गछुं काँल्यक्यथ सिंध—चँद्रुवारि दोह। चँद्रुवारि दोह सुबहनस यिमुं तुं करुं तुहुन्द दर्शुन।

हीरानन्द द्राव।

मास्टर ओस श्री रामकृष्णस नखुं बिहिथ।

**श्री रामकृष्ण**—(मास्टरस कुन)—स्यठाह जान तुं रूँत नौजवान छु। छुना?

**मास्टर**—आहन माहरा। स्वबाव छुस बडुं जान।

**श्री रामकृष्ण**—दपान ओस सिन्ध छु येँति प्यठुं जुँतोवुह शथ मील दूर तुं यीति दूर प्यठुं आव म्ये वुछनुं बापथ।

**मास्टर**—पोँज माहरा छु, स्यठाह प्रेयम तुं लोल आसनुं वराँय कति छु मुमकिन यि।

**श्री रामकृष्ण**—सु छु यछान म्येँति नियिहे पानस सूँत्य सिन्ध।

**मास्टर**—तोत गछान सपदिवुं तकलीफ, चोर पाँछ दोह पेयिवुं रेलि मंज बिहान।

**श्री रामकृष्ण**—यूनिवरसिटी हुंजुं त्रेँ डिग्रियि छन हाँसिल करिमचुं।

**मास्टर**—आहन माहरा।

श्री रामकृष्ण छि थँक्यमुँत्य ही। तिम छि यछान हना आराम करुन।

**श्री रामकृष्ण**—(मास्टरस कुन) दार्यन हुंछ पंजरुं त्राँविव वँथ्य। अन वगुव तुं वाहर येँतिनस।

मास्टर छु वावजि सूँत्य हवा करान। श्री रामकृष्णस खँच न्यँन्दुर।

**श्री रामकृष्ण**—(हना न्यँदुर कँरिथ—मास्टरस कुन) क्या साँ म्येँ आँसुँ जिफ गाँमुँच?

**मास्टर**—आहन माहरा, रछा कँरुं जिफ खंड न्येँन्दुर।

नरेन्दर, शरद तुं मास्टर छि बोनुं हालस मंज पूर कुन कथ बाथ करान।



नरेन्द्र—कोताह तौजुब छु। यीत्यन वॅर्यन परनुं पतुं ति छनुं विद्या सपदान (यिवान)! पतुं किथुं कॅन्य छि लूख वनान जि म्ये कॅर दोन त्रेन दोहन साधना; वोन्य क्याह, वोन्य मेलि भगवान। 'दय लबुन छा यूत सस्तुं? (शरदस कुन) च्ये' छय शान्ति मीज्यमुंच, मास्टर महाशयस ति छि शान्ति मीज्यमुंच। अमा पोञ्ज म्ये छनुं वुन्युस तान्य शान्ति मीज्यमुंच।

मन्दिनस बाँग्य छि हेरिमिस रवकस मंज श्री रामकृष्णस निश वार्याह भक्त बिहिथ। नरेन्द्र, शरद, शशि, लाटू, नित्यगोपाल, गिरीश, राम, मास्टर तुं सुरेश बेत्रि वार्याह छि बिहिथ।

केदार आव। सुओस वार्याहि कॉल्य आमुत। श्री रामकृष्णस वुछनि। तिम आँस्य दफतरी कामि हुन्दिस सिलसिलस मुतलख ढाकाहस मंज। ततिय ओसुन श्री रामकृष्ण सुँदि बेमारि हुन्द बूजमुत। केदारन तुज्य कुठिस मंज अँचिथ श्री रामकृष्ण सुन्दन पादन हुँज गरुद लॉजिन पानस शेरस तुं पतुं लॉजिन आनन्दुँकिस भावस मंज बाकयन ति। बँखत्यव दोर कल बोँनकुन कॅरिथ। बँखुँत्य छि छोँपुँ दोँपुँ कॅरिथ। यपॉर्य छि ह्यवान बासुन जि श्री रामकृष्ण गछन समॉज मंज। फिर्य फिर्य आँस्य जीट्य जीट्य शाह ह्यवान तुं त्रावान बासान ओस जि भाव आँस्य शो'मरावनुंच कूशिश करान।

श्री रामकृष्ण छि नरेन्द्रस कुन ओँगजि सूँत्य हॉविथ केदारस वनान—“येँम्य ह्यु सोरुय त्याग कोरमुत। (बँखत्यन कुन) केदारन ओस नरेन्द्रस वोँनमुत—‘वुन्यक्यन चाहे बँहस करख तुं व्यचार करख अमापोँज पोँतुस पेँयि दयि नाव सोरिथ म्येचि मंज पान लिथुँवुन।’”

सुरेन्द्र ओस बँखत्यन पतुं कनि बिहिथ। श्री रामकृष्णन वुछ हना असवुनि त्रायि तस कुन। केदारस कुन छि वनान, “अहा! क्युथ स्वभाव ह्यु!” केदारन समुज श्री रामकृष्ण सुँद इशारुँ तुं गव सुरेन्द्रस निश तुं ब्यूठ।

सुरेन्द्र ओस त्रुक तुं खोँददार। बखत्यव मंजु आँस्य केँह काशीपुर बागकिस मकानस बापथ खर्च व्यतरावनुं वेशि न्यबर गछिथ बँखत्यन निश पोँसु सोँबरावनि गाँमुत्य। अथ प्यठ गव सुरेन्द्रस स्यठाह दोँख। बागुँकि खर्चुक ज्यादुँ हिँसुँ ह्यु सुरेन्द्ररुँय दिवान।

सुरेन्द्र—(केदारस कुन)—यीत्यन सादन मंज क्याह बेहमुँ। तुं काँह काँह (नरेन्द्र) आँस्य केँह दोह गँय संन्याँस्य बँनिथ बुद्ध गयायि गाँमुँत्य,—बड्यन बड्यन सादन हुन्द दर्शुन करनुं बापथ।

श्री रामकृष्ण छि सुरेन्द्रस तसली करान। वनान छिस चुँ छुख ठीख वनान, अँवुँ यिम छि वुनि शुरिय। यिमन छनुं पताह जि जान क्याह गव।

सुरेन्द्र—(केदारस कुन)—क्या गुरुदेव छिना जानान कस क्याह भाव ह्यु? तिम छिनुं रोँपयव सूँत्य, तिम छि भाव रँटिथ खोँश गछान।

श्री रामकृष्णन कोर कलुँ सूँत्य—अँवुँ अँवुँ। ‘भाव रँटिथ छि खोँश सपदान’ यि कथ बूजिथ गव केदार ति खोँश।

बँखत्यव अनि मिठायि तुं थाव्यख श्री रामकृष्णस ब्रॉठकनि। श्री रामकृष्णन तुल दानुँ हना तुं त्रोवुन ज्येवि प्यठ तु द्युतुन थाल सुरेन्द्रस। वोँननस जि गछ बाँगराव बाकुँय बँखत्यन। सुरेन्द्र वोँथ बोँन नवीद बाँगरावनि।

श्री रामकृष्ण—(केदारस कुन)—चुँ समजावुख। गछ वनुख बक झक (बँहस) करनुक छुनुं जोरुँरथ।

मणि ह्यु वावजि सूँत्य हवा करान। श्री रामकृष्णन वोँन, ‘क्या चुँ गछखना? तिमव सूँज नवीद रटनुं बापथ मणि ति बोँन।

\* \* \*

संध्या वख ह्यु सपदन वोल। गिरीश तुं मास्टर छि तालाबस निशि चकर करान।

गिरीश—बूज, च्येँ ह्यु श्री रामकृष्णस मुतलख क्याह ताम ल्यूखमुत।

मास्टर—तोँहि कॅम्य वोँन?

गिरीश—म्येँ ह्यु बूजमुत। म्येँ दिखुँ परनुं बापथ?

मास्टर—न। योँत तान्य नुँ बुँ समजुँ काँसि ह्युन छि ठीख, तोँत तान्य दिमुँ नुँ बुँ। यि ह्यु म्येँ पननि बापथ ल्यूखमुत, बेँयि काँसि हुन्दि खॉतरुँ नुँ केँह।

गिरीश—क्या ह्युख वनान?

श्री ‘म’—(मास्टर) येँलि बुँ मरुँ तमि पतुं मेलिय।

सन्ध्या सपदुँनस प्यठ जाँलिख श्री रामकृष्ण सुन्दिस कमरस मंज चाँग्य। ब्रह्म भक्त श्री अमृत बसु ह्यु तिमन वुछनुं बापथ आमुत। श्री रामकृष्ण आँस्य ग्वडुँ प्यठय तिमन वुछनुं बापथ बेताब। मास्टर तुं जुँ चोर बँखुँत्य छि बिहिथ। श्री रामकृष्णस ब्रॉठकनि छि केलुँ वँथरस प्यठ बेला तुं जूही पोशन हुँजुँ मालुँ। कमरस मंज छि छोँपुँ अख बोँड यूगी ओस जन तुं लोत पाँठ्य यूग सादान। श्री रामकृष्ण छि अकि अकि लटि मालुँ तुलान, जन तुं नॉल्य आँस्य त्रावुँन्य यछान।

**अमृत**—(लोलुं सान) क्या माहरा मालुं छुनोवुं नॉल्य?  
मालुं नॉल्य छुनिथ रूद्य श्री रामकृष्ण अमृतस सूत्य बडुं चेर तान्य कथ  
बाथ करान। अमृत छु वोन्य नरेन वोल।

**श्री रामकृष्ण**—चुं यिजि बेयि।

**अमृत**—माहरा, बुं छुस यछान युन। मगर दूर छुस रोजान अवुकिन्य  
होके नुं प्रथ विजि यिथ।

**श्री रामकृष्ण**—यिवान ऑस्यजि, टाँगुं किराय ऑस्य जि येति निवान।  
अमृत सुंदि बापथ श्री रामकृष्ण सुन्द अकारण (बिना वजह) लोल  
वुछिथ गॅय बॅखुत्य हॉरान।

दोयमि दोह आव श्री 'म' पनुंन्य कोलय तुं सतुं वुहुर न्येचुव ह्यथ श्री  
रामकृष्णस निश। अख वॅरियि ओस गोमुत, तिहुंद आँटुं वुहुर न्येचुव ओस  
गुजर्योमुत। तनुं प्यठय आँस तसुंज कोलय योहय तुं जन पागल हिश गॉमुं च।  
अवय किन्य छि श्री रामकृष्ण मँज्य-मँज्य तस यिनुं बापथ वनान।

शामन आयि श्री माताजी बोनुं प्यटुं श्री रामकृष्णस क्युत बतुं ह्यथ। श्री  
'म' सुंज कोलय आयि तिमन सूत्य-सूत्य चोंग ह्यथ। बतुं ख्यवान ख्यवान  
लॅग्य श्री रामकृष्ण तस गरिचि कथुं प्रिछनि। तमि पतुं वोन तिमव तस केंचन  
दोहन श्री माता जियि निशि यिथ रोजनुं बापथ। युथ तस शूक (दोख) हना  
कम गछि। तस आँस अख लोँकुट कूर ति। माताजी आँस तस मानमयी  
वनान। श्री रामकृष्णन वोननस सोति अँन्य ज्यन सूत्य। बतुं ख्यनुं पतुं कॅर तमि  
श्री रामकृष्णस ब्रोंटुं कनि बतुं ख्यनुं च जाय साफ। श्री रामकृष्णस सूत्य केंचस  
कालस कथुं करनुं पतुं येमि विजि माताजी बोन वॅछ, तॅमिस पतय वॅछ  
श्री 'म' सुंज कोलय ति तिमन प्रणाम कॅरिथ बोन।

रॉच हुंजुं नौ बजे छु वख। श्री रामकृष्ण छि बॅखत्यन सूत्य तॅथ्य कमरस  
मंज बिहिथ। नॉल्य छख पोशि पाल त्राँविथ। श्री 'म' छु वावजि सूत्य हवा  
करान।

श्री रामकृष्ण छि हटि मंजुं माल कॅडिथ अथस प्यठ रॅटिथ पानस सूत्य  
क्याह तान्य वनान। तमि पतुं खोश मिजाजस मंज दिच तिमव सों पोशि माल  
श्री 'म' हस।

